

Headline	Faizal akur sukar pertahan gelaran		
MediaTitle	Metro Ahad		
Date	04 Sep 2016	Language	Malay
Circulation	1,270,667	Readership	3,812,000
Section	Arena	Page No	63
ArticleSize	218 cm ²	Journalist	MALIK MUHAMAD
PR Value	RM 25,764		



Faizal akur sukar pertahan gelaran

Malik Muhammad
sukan@hmetro.com.my

Kuala Terengganu: Penjaring terbanyak Liga Hoki Malaysia dan Piala TNB musim lalu Faizal Saari (*gambar*) mengaku peluangnya untuk mempertahankan gelaran itu dilihat semakin sukar selepas gagal meledak sebarang gol sepanjang lima perlawanan liga setakat ini.

Malah, kapten kelab Terengganu Hockey Team (THT) itu dilihat bagaikan hilang 'bisa' ketika berada di depan pintu gol lawan sehingga pasukannya kini hanya berupaya mengutip tujuh mata daripada lima perlawanan sekali gus gagal memimpin carta liga seperti musim lalu.

Musim lalu, penyerang THT itu yang banyak mendapat umpanan daripada adiknya Fitri, meledak 10 jaringan dalam liga dan lapan gol dalam saingan Piala TNB dan pemain berusia 25 tahun itu turut

muncul penjaring terbanyak sebanyak empat kali pada tahun 2010, 2011, 2014 dan 2015.

"Saya akui akibat penggantungan daripada menyalur jersi skuad kebangsaan selama tujuh bulan ia sedikit sebanyak memberi impak kepada saya sekali gus prestasi sedikit merudum dan bagaikan hilang rentak serta gagal mencatat sebarang gol walaupun pusingan pertama sudah tamat.

"Keadaan ini menyukarkan saya untuk mengekalkan gelaran sebagai penjaring terbanyak liga dan Piala TNB musim ini. Bagaimanapun dengan baki lima lagi aksi dalam pusingan kedua, tidak mustahil saya mampu mempertahankan gelaran itu tetapi dengan syarat saya perlu meledak hat-trik bagi setiap perlawanan," katanya.

Mengulas prestasi semasa THT, Faizal mengaku dia belum berpuas hati dengan tahap pencapaian pasukannya dan aksi peribadi yang dipamerkan

setakat ini selepas hanya mencatat dua kemenangan, sekali seri dan dua kali tewas walaupun melayakkan diri ke peringkat separuh akhir Piala Tan Sri P Alagendra.

"Secara keseluruhan saya belum berpuas hati dengan tahap persembahan pasukan yang dilihat belum menemui rentak sebenar dan kurang serasi apatah lagi

kehadiran lewat pemain import dalam pasukan dan ditambah kurang pemain kebangsaan membarisi skuad.

"Saya harap dengan baki lima perlawanan lagi dan layak ke separuh Piala Tan Sri P Alagendra, kami mampu memperagakan aksi terbaik untuk terus digelar gergasi hoki negara sambil kini saya lebih fokus kepada kemenangan pasukan daripada misi peribadi mengekalkan penjaring terbanyak," katanya yang turut mengharapkan pasukannya menang besar bertemu UniKL dalam aksi pusingan kedua petang ini.



VALUATOR

Company(Brand)	Mention	Tone	ROI
Tenaga Nasional Berhad (TNB) (Tenaga Nasional)	3	0	0
Universiti Kuala Lumpur (UniKL) (Universiti Kuala Lumpur	1	0	0